

مجموعه ابو الخیر

ماسوا شایسته شدن دلی تطهیر چالش
بر تو حکمت و عرفان اهل دور و آتش

هر ماه عربی ابتدا سیله اون بشده نشر اولنور فنون مجموعہ سیدر .

جزو ۳۴ [فی ۱۵ جادی الآخره سنہ ۱۳۰۰] نسخہ سی ۳۳ عروش

شئونات مدنیہ

آلمانیاده کائن اسن شهرنده بولنان [بده کر] نام ممئل بوکره [هستر]
نام ذاتک تألیفی اولان آلمانجه برالفباء بی بیکیچی دفعه اولوق اوزره تمثیل
ایلمشدر . بواثرک ایلاک دفعه سی ۱۸۵۳ و یوزنجی دفعه سی ۱۸۶۳
ویکیچی دفعه سی دخی ۱۸۸۳ سنه سنده طبع ایدلمشدر .

بهر طبعنده اوچر یک نسخه نشر ایدلدیکی جهتله اوتوز سنه
ظرفنده اوچ میلیون نسخه نشر ایدلمش . ممئل سنوی یوز یک نسخه
صاتب اوتوز سنهده برمیایون سکز یوز یک فرائق تمتع ایلمشدر .

دیلی تلغراف غزنه سی مطبعه سنده فن مدیری اولان موسیو
[قولهی] بوکره یکی برماکنه احداث ایتمشدر که تا عیس صحیفه لری
جسامتنده سکز صحیفه لک بر غزنه نک ساعتده یکر می بش یک نسخه سی
طبع ایتمکده ایمش .

متوفی (غالیپیاننک) کندی نامنه اوله رق (غالیپیانس مسجر)
اسمیله پارسده تأسیس ایتمدیکي انگلیز غزنه سی که پارس یومی غزنه لرنک
اک اسکیسدر . بوکره مشتریلرینده هر غزنه دن اول لوندرد غزنه لرنک
مندرجات مهمه سیله تلغراف حوادثی اعطا ایتمک اوزره پارسله
لوندرد غزنه خانهلری باینده کندینه مخصوص بر تلغراف خطی تمید
ایلمشدر .

واشینغظونده کائن حکومت مطبعه سی دنیانک اک جسم مطبعه .
سی عد اولتمقده در؛ مطبعه مذکوره نک ادواتی ۳۶,۴۵۰,۰۰۰ فرائق

قیمتده اوله رق ۱۸۸۲ سنه سی تموزی ابتدا سندن ۱۸۸۳ سنه سی
حزیرانی نهایتده قدر ۱۳,۹۹۹,۲۷۵ فرانلق اوراق طبع ایلشدر .
علاّه مستخدمه یه تأدیات یومیه سی ۲۹ پیک ۷۵۰ فرانقدر .

آمریکا هیئت مجتمعه سی داخلنده کائن چینچیناتی شهرنک بریطو-
غرافیا مطبعه سنده کچنلرده ۶۶ قدم طولنده و ۱۲ قدم عرضنده
براعلاننامه طبع اولمش و مصارف طبعیه سی ۱۰۰۰۰ طولاره یعنی
ایکی یوز اللی پیک غروشه بالغ اولمشدر .
مذکور اعلاننامه تک تمیلنده ۵۰۰ عدد لیطواغرف طاشی
استعمال ایلمشدر .

انکلیر مشاهیر حکایه نویساندن ۱۸۷۰ سنه سنده وفات ایدن
چارلس دیکنسک تاریخ و فاتندن بری آثار قلمیه سندن ۴,۲۳۹,۰۰۰
نسخه کتاب صاتلشددر .
اگر آمریکاده تقلیداً باصیلان کتابلر داخل حساب ایدیلیر
ایسه مقدار مذکور ۳ مثله بالغ اولور .

چاونیاده اخاله هذه ۱۱۳ عدد غزته نشر ایللمکده و بوغزته -
لک المهی یومی ۱۹۰,۰۰۰ نسخه تمیل ایتلمکده در .
جاونیاقانونی حکمنجه برغزته تک مدیر مسئول ویا صاحب
امتیازی جاونیالی اولوق لابدر .

پتہ رسبورغ شهری ۶۰۰,۰۰۰ نقوسی شامل بولندیغی حالده
۲۱۲ عدد غزته و رسائل موقوتیه مالکدر . بولردن ۱۹۱ عددی
روس لسانی اوزره نشر ایدیلور .

موسقو آنہرینک نفوسنی پای تختدن زیادہ ایسہ دہ شہر مذکور دہ
۷۶ غزتہ چیمقدہ وبالکنز اوچی اجنبی لسانیلہ نشر اولتمقدہ در .

پارسدہ اعلان یاشدیر لغہ مخصوص اولان اوحدلرہ برسندہ
ظرفندہ ۱,۲۲۵,۳۷۰ عدد اعلاننامہ یاشدیر یلیور کہ ۴۰۰ مختلف محلہ
یومی ۵۵۳۶ اعلان بولنیور .

اوروپادہ موجود کتابخانہلر

ممالک	عدد کتانه	مقدار کتاب
آوستریا	۵۷۷	۵۴۷۵۷۹۸
فرانسه	۵۰۰	۴۵۹۸۰۰۰
ایتالیا	۴۹۳	۴۲۴۹۲۸۱
انگلترہ	۲۰۰	۲۸۷۲۴۹۳
پروسیا	۳۹۸	۲۶۴۰۴۵۰
باویہرا	۱۴۵	۹۵۴۰۰۰
روسیہ	۱۴۵	۹۵۲۰۰۰
		<u>۲۱۸۴۱۰۲۲</u>

ایسویچ نورویچ، دانمارقہ وفلمنک و بلجیقا وایسو یجرہ ممالکیلہ
آلمانیانک سار دوقہ لقلری ویونان ورومانیا و صربستان قرالقلری داخندہ
بولنان کتابخانہلر دہ دخی سکز میلیون کتاب تخمین اولنور سہ عموم
اوروپا قطہ سسندہ ۳۰ میلیون کتاب موجود اولقی لازم کلیر .